

**1,000
kunjungi
kediaman
Perdana
Menteri
di Titi
Gajah**

DM 27 AUG 1985

ALOR SETAR 26 Ogos -

Lebih 1,000 orang yang terdiri dari berbilang kaum dan peringkat umur mengunjungi kediaman Perdana Menteri, ~~Datuk Sri Dr. Mahathir Mohamad~~ yang mengadakan rumah terbuka sempena Hari Raya Haji di Titi Gajah dekat sini.

Turut mengucapkan Selamat Hari Raya kepada Perdana Menteri serta isteri ialah Menteri Besar, Datuk Paduka Haji Osman Aroff, Timbalan Menteri Perdagangan dan Perindustrian, Datuk Oo Gin Sun, ahli-ahli Exco kerajaan, ketua-ketua jabatan kerajaan, pemimpin masyarakat serta isteri masing-masing.

Sebelum itu, Perdana Menteri serta Datuk Sri Datin Paduka, Dr. Siti

Hasmah telah bersembahyang sunat Hari Raya Haji bersama umat Islam di Masjid Jitra dekat sini.

Perdana Menteri yang berhari raya dua hari di Kedah mengadakan rumah terbuka sejak pukul 10 pagi hingga jam 5 petang.

Mengadap

Bellau juga telah mengadap Baginda Sultan dan Sultanah yang mengadakan rumah terbuka di Istana Anak Bukit pada pukul 11 pagi sebelum mengunjungi Raja Muda dan Raja Puan Muda di Istana Kesuma.

Kira-kira 500 orang kanak-kanak juga tidak ketinggalan mengucapkan selamat Hari Raya serta bersalaman dengan Perdana Menteri dan isteri di majlis rumah terbuka itu. Kanak-kanak tersebut juga disedekahkan duit raya sebelum menjamu selera di pekarangan kediaman bellau.

Perdana Menteri yang turut mengorbankan empat ekor lembu tahun ini juga dijadualkan beraamah mesra bersama penduduk di Masjid Kepala Batas, Tunjang dan Bukit Raya Pandang sebelum bertolak balik ke ibu negara petang esok.